

Ynkoarten sille de earste keatsers harren melde by de stuit. It baltsje sil wer troch de loft fleane, kâlde hannen, rake klappen en hjir en dêr in raar wurd.

Wy meitsje ús wer klear foar in moaie perioade fan bûtendoar en mei-inoar de keatssport belibje. Nije wedstriden, in nije want, in oar partoer, och heden wat stiet der allegear foar moais te wachtsjen.

As bestjoer, mar ek as keatsers hawwe we der nocht oan. Nocht om wer te begjinnen. Nocht om aanst al dy jonges en famkes ek wer op it fjild te sjen en jimme allegearre te begroetsjen. Wy hawwe al hiel wat saken op priemmen, mar derby dogge we ek oan jo/dy, lêzer fan dit stik, in oprop. Kom ris del en wêr mooglik help ús om der wer in machtich moaie maitiid en simmer fan te meitsjen.

Op ús webside binne alle wedstriden al te finen, krekt as de help dy't wy, ynearsten, ynpland hawwe om it allegearre mooglik te meitsjen. Op 3 maaie sil de KNKB froulju haadklasse en earste klasse ôfdielingspartij ferkeatst wurde en 14 juny ferwachtsje wy de jongespupillen foar in ôfdielingswedstriid. By beide partijen hawwe we karmasters nedich. As jim in oerke as wat op in line sitte wolle dan graach. Jou dyn foarkar efkes oan. Dat skeelt ús wer in soad tiid. Op nei de maitiid, op nei it fjild.

It bestjoer bestiet dit jier út:

Frederik van Dijk, foarsitter

Ronald van der Meulen, materiaalsaken

Afke Kuipers, algemiene saken

Debby Koot, mediasaken

Oanfolling mei **it jeugdbestjoer**:

Andreas Moos, manusje fan alles

André Zijlstra, ponghalder

Anique Veenje, trainingssaken

Debby Koot, sekretariaat

Margriet Wissmann, regiosaken

Trainingen op moandei

- Kabouters (fan groep 3 ôf), fan 18.30 oant 19.30 oere
- Welpen (bertejer 2015 & 2016), fan 18.30 oant 19.30 oere
- Pupillen (bertejer 2013 & 2014), fan 19.30 oant 20.30 oere
- Skoaljeugd (bertejer 2011 & 2012), fan 19.30 oant 20.30 oere
- Jonges en famkes (bertejer 2008, 2009 & 2010), fan 19.30-20.30 oere

kfjanreitsma@gmail.com

Frije training

Wolsto dyn opslach ferbetterje of miskien in wedstrydsje dwaan? Dat kin op de freedtejûn fan 18.30-19.30 oere. Dizze jûn kinsto materiaal fan de feriening brûke.

Let op: der is gjin trainer oanwêzich, it is de bedoeling datst sels as mei dyn heit as mem trainen giest. Der is wol immen fan it bestjoer oanwêzich om de materialen út te jaan en wer yn te nimmen.

Kompetysje op tiisdei

- Jeugd (fan groep 5 ôf) op tiisdei om 18.30 oere
- Senioaren op woansdei om 19.15 oere
- Muorrekeatsen senioaren freed om 19.00 oere

Oansprekker kompetysje

- Senioaren: Piet Brouwer
- Jeugd: Anique Veenje
- Muorrekeatsen: Willem Fopma

Liket it dy aardich om ris in baltsje te slaan?

In kear besykje as it wat foar dy is, de sfear priuwe? By de measte trainingen kinsto sa oanskowe, nei twa kear freegje we dy om lid te wurden. Ek by muorrekeatsen is dit mooglik.

Ynformaasje

Dit jier hat ús webside in flinke update hân.

Hjirûnder in lytse opsomming fan wichtige dingen dy't te finen binne:

- Alle skema's steane oardere
- De wedstriden steane online, dizze steane ek hjirûnder fermeld
- Regio- en KNKB saken; wedstriden per kategory, mar ek de opslachôfmjittingen
- Us gedrachskoades
- Oankundigingen, it lêste nijs, mar ek de prizen dy't wûn binne. Us sponsors.

Media

Wisto dat we ek trochgean mei de prestaasjes fan ús keatsers op alderhande media te setten? Wy hoopje sa elkenien betsjinje te kinnen. Guon hâlde fan papier yn de hân, oare sjogge leaver op de tillefoan as PC.

Op bygelyks Instagram wurde wer oare saken setten as yn 'e Linepraat. Sa probearje we dochs elk op de hichte te hâlden oer it wolwêzen fan ús feriening.

www.kaatsverenigingjanreitsma.nl

Keatsclinic fan de toppers fan Team Puur Passie!

Falsto mei dyn leeftiid yn de kategory kabouters o/m jonges/famkes en wennest yn Friens, Idaerd of Reduzum? Dan is dit dyn kâns om it keatsen fan de alderbêsten te learen! Op snein 19 april 2026 komt Team Puur Passie nei it sportfjild yn Reduzum. Se litte harren moaiste slaggen sjen, mar wichtiger noch: se gean mei dy oan de slach. Oft je no al jierren in want omhawwe of foar it earst in bal oanreitsje, elkenien is wolkom!

Wat kinst ferwachtsje?

- Tips & Tricks: lear de perfekte opslach en dy spikerhurde boppeslach fan de echte profs.
- Aksje: ferskate oefeningen en spultsjes dêr't wille by foarop stiet.
- Meet & Greet: stel al dyn fragen oan de keats(t)ers fan Team Puur Passie.
- Gesellichheid: sporte mei al dyn freonen en freondinnen út de omlizzende doarpen.

Alles op in rige:

- Wannear: snein 19 april 2026 fan 13.30 oant 14.30 oere
- Wêr: it sportfjild yn Reduzum
- Foar wa: alle jeugd (kategory kabouters o/m jonges/famkes) út Friens, Idaerd en Reduzum
- Kosten: hielendal neat, mar moastst dy wol efkes opjaan by Andreas foar 12 april

Lûk dyn sportklean oan en lit sjen watst yn hûs hast! Nim dyn teamgenoaten, klasgenoaten en buorlju mei. Wy meitsje der in sportive en ûnferjitlike dei fan. Oant op it fjild!



Alderjûn

Lykas ferline jier, organisearje we dit jier wer in âlderjûn: op moandeitejûn 13 april om 18.30 oere yn de sportbar. Wy gean derfan út datst dêrby oanwêzich bist. Kinst ûnferwachts net? Lit it ús dan even witte.

Wedstriidaginda 2026

19 april	13.30	Keatsclinic	Kabouters, welpen, pupillen, skoaljeugd, jonges & famkes
13 april	18.30	Start trainingen	Kabouters & welpen
	19.30	Start trainingen	Pupillen, skoaljeugd, jonges & famkes
14 april	18.30	Start kompetysjekeatsen	Kabouters, welpen, pupillen & skoaljeugd
22 april	19.30	Start kompetysjekeatsen	Jonges, famkes, junioaren & senioaren
24 april	19.00	Start komptysje muorrekeatsen	Jonges, famkes, junioaren & senioaren
26 april	09.30	Keningskeatsen	Kabouters, welpen, pupillen & skoaljeugd
	13.00	Keningskeatsen	Jonges, famkes, junioaren & senioaren
3 maaie	10.00	KNKB froulju haadklasse & 1 ^e klasse ôfdieling	
10 maaie	09.30	Ferrassingspartij	Kabouters, welpen, pupillen & skoaljeugd
	13.00	El Classico: Eelke & Annapartij	Jonges, famkes, junioaren & senioaren
24 maaie	09.30	Strjittekeatsen	Kabouters, welpen, pupillen & skoaljeugd
	13.00	Strjittekeatsen	Jonges, famkes, junioaren & senioaren
7 juny	13.00	Pearkekeatsen	Jonges, famkes, junioaren & senioaren
14 juny	10.00	KNKB pupillen jonges ôfdieling	
19 juny	19.00	Muorrekeatstoernoai	Jonges, famkes, junioaren & senioaren
21 juny	10.00	Fuotbalkeatsen	Jonges, famkes, junioaren & senioaren
28 juny	13.00	Ledepartij mei en yn Wytgaard	Kabouters, welpen, pupillen & skoaljeugd
22 augustus	10.00	Frije Federaasje	Welpen, pupillen, skoaljeugd, jonges & famkes
6 septimber	11.30	Merkekeatsen ABZ	Jonges, famkes, junioaren & senioaren
11 septimber	18.30	Finale muorrekeatsen & útrikking prizen kompetysjekeatsen	Jonges, famkes, junioaren & senioaren
20 septimber	10.15	Teatsen	Jonges, famkes, junioaren & senioaren